

Կազմված է 15.02.2020թ.

ՏՊԱԳՐՎԱԾ Է ԸՆԴԱՄԵԼԸ 2 ՕՐԻՆԱԿԻՑ
ՕՐԻՆԱԿ 1

ԸՆԴՈՒՆՎԱԾ Է

ԳՐԱՆՑՎԱԾ Է

«ԱԴԵԿՎԱԴ»
ԿՈՒՍԱԿՑՈՒԹՅԱՆ

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

«15» ՓԵՏՐՎԱՐԻ 2020Թ.

ԳՐԱՆՑՄԱՆ ՀԱՄԱՐ Ձ/112.1122555

ՀԻՄՆԱԴԻՐ ՀԱՄԱԳՈՒՄԱՐԻ ԿՈՂՄԻՑ

ՀԱՐԿ ՎՃԱՐՈՂԻ ՀԱՇՎԱՌՄԱՆ ՀԱՄԱՐ



ԿՈՒՍԱԿՑՈՒԹՅԱՆ ՎԱՐՉՈՒԹՅԱՆ
ՆԱԽԱԳԱՀ

02325295

«02» ապրիլ 2020Թ.


(ստորագրություն) Արսեն Ավակյան
(անուն, ազգանուն)

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ

ԾՐԱԳԻՐ

«ԱԴԵԿՎԱԴ»
ԿՈՒՍԱԿՑՈՒԹՅԱՆ

«Աղեկվաղ» կուսակցության նպատակն է նպաստել Հայաստանի Հանրապետությունում այնպիսի հասարակարգի ձևավորմանը, որը թույլ կտա ՀՀ տարածքում ապրող մարդկանց ձգտել համամարդկային առաքինություններին (խոհեմություն, ողջախոհություն, արիություն, արդարություն) և նպաստել սոցիալական համերաշխությանը:

- Հասարակական համերաշխությունն ու բարեկեցությունը բարձրագույն արժեք են:

- Հայաստանի Հանրապետությունը հասարակական համերաշխության գլխավոր երաշխիքն է:

- Լինելով պաշարված ամրոց՝ Հայաստանի Հանրապետության յուրաքանչյուր բնակիչ պետք է գիտակցի յուր դերը պետության ֆիզիկական և ոչ նյութական պաշտպանական դիմագծերի անվտանգության գործում:

- Հայաստանի Հանրապետության առաջնահերթ գերակայությունն է ուժ կիրառելու մենաշնորհի հաստատումը սեփական տարածքում: Այդ մենաշնորհի հանդեպ ցանկացած ոտնձգություն պետք է համարվի պետության հանդեպ ոտնձգություն:

- Պետության մեջ որոշումներ կայացնելու մեխանիզմները պետք է կրեն բացառապես ինստիտուցիոնալ բնույթ:

- Քաղաքացիների մասնակցությունը որոշումների կայացման գործընթացին պետք է պայմանավորված լինի պետականաշինության գործում նրանց անհատական ավանդով՝ անվտանգության, ժողովրդագրական ցուցանիշների ապահովման, մշակութային զարգացման, արտաքին կապերի ամրապնդման, հարկային եկամուտների գեներացման և այլ ոլորտներում:

- Ազգային անվտանգության նկատառումներից ելնելով՝ տեղեկատվական դարաշրջանում պետության անվերապահելի գերակայություններից պետք է լինի նաև ներքին տեղեկատվական դաշտի անվտանգության ապահովումը:

- Պետության երկրորդ գերակայությունն է՝ ապահովել անհրաժեշտ պայմաններ բնիկ (ավտոխտոն) բնակչության բնական աճի համար:

- Պետության երրորդ գերակայությունն է՝ ապահովել այնպիսի կրթական և դաստիարակչական համակարգ, որը բնակիչների շարքերում կսերմանի ձգտում առ չորս համամարդկային առաքինություններ:

- Մշակույթը, սպորտը, կրթությունը պետք է կրեն դաստիարակչական, ոչ թե սպառողական բնույթ: Պետությունը մշակութային մենաշնորհի երաշխավորն է:

- Պատմագիտական օբյեկտիվիզմը պետք է թելադրի խեղաթյուրված պատմության էջերի վերանայում:

- Գիտակրթական և արդարադատության համակարգերի գերակայություններից պետք է լինի պատշաճ գնահատական տալը Հայաստանում 1999թ. հոկտեմբերի 27-ին, 2008թ. մարտի 1-ին, 2016թ. հուլիսի 17-ին և 2018թ. ապրիլի 23-ին տեղի ունեցած իրադարձություններին:

- Պետության չորրորդ գերակայությունն է՝ արտաքին քաղաքական գործընկերների հետ հարաբերությունների կարգավորում բացառապես երկկողմ շահի առկայության դեպքում:

- Պետությունն ապահովելու է Արցախի՝ որպես մեր միասնական հայրենիքի անքակտելի մասի անվտանգությունը:

- Պետական չորս գերակայությունների ապահովման նպատակով անհրաժեշտ է կոնսոլիդացնել համապետական ֆինանսական, ենթակառուցվածքային և մարդկային կապիտալը:

- Տնտեսական պլանավորումը կառավարության ուղղակի պարտականությունն է:

- Արդյունաբերական ոլորտը պետք է գերակա դիրք ունենա սպասարկման և գյուղատնտեսական ոլորտների նկատմամբ: Գյուղատնտեսության հիմնական դերն է պարենային անվտանգության ապահովումը:

- Տեղական արտադրողները պետք է պաշտպանված լինեն արտաքին մրցակցությունից թե՛ ներքին և թե՛ արտաքին շուկաներում:

- Հարկային օրենսգիրքը պետք է ստանձնի, ի թիվս այլ գործառույթների, նաև հասարակական համերաշխության ապահովման գործառույթ:

- Բնակչության շարքերում արատավոր սովորությունների նվազեցման նպատակով պետությունը պետք է առավելագույն մասնաբաժին ունենա արատավոր սովորություններից գեներացվող եկամուտների մեջ: